

Menteri-menteri

REPUBLIK INDONESIA SYARIKAT

Pada 17 Ogos yang lalu Indonesia merdeka usianya telah genap 5 tahun yang menjadikan sambutan 5 tahun itu diadakan dengan cukup besar dan suacita terutama apabila Belanda telah menyerahkan kedaulatan Indonesia itu kepada bangsa Indonesia sendiri pada 29 September 1949 dengan penyerahan itu maka berdirilah Republik Indonesia Syarikat dengan Presiden Sukarno sendiri menjadi Presiden negara itu. Semenjak 8 bulan yang lalu itu maka Jemaah Menteri Republik Indonesia Syarikat itu telah bekerja dengan tekun dan sabar sehingga berdiri negara persatuan yang diisyiharkan pada 17 Ogos yang lalu yang dengannya tidak lagi negara-negara daerah melainkan terdiri negara yang satu dan Jemaah Menteri negara persatuan ini adalah dilantik seminggu atau dua minggu kemudian daripada 17 Ogos dan oleh itu di sini molek sungguh kita menatap riwayat hidup tiap-tiap seorang Jemaah Menteri Republik Indonesia Syarikat yang telah 8 bulan lamanya menjalankan pentadbiran negara itu sehingga didapati suatu kejayaan yang muktamad. Kita mulai riwayat hidupnya ini ialah dengan riwayat Dr Mohammad Hatta yang menjadi Perdana Menteri Republik Indonesia Syarikat itu (gambarinya bersama isterinya disiarkan pada muka hadapan keluaran ini.)

Dr Mohammad Hatta

Presiden Sukarno sangat hormat kepada Dr Hatta tatkala ia di dalam buangan Belanda dahulu. Sampai di Bukit Tinggi maka ia sempat ziarah ke rumah ayahanda Dr Hatta yang dalamnya ada terletak gambar Dr Hatta. Melihat gambar itu Sukarno mengangkat tangannya memberi hormat

kepada gambar itu kemudian berkata: "dengan tidak ada Bung Hatta saya tidak dapat menyempurnakan cita-cita saya" Apa yang dikatakan oleh Sukarno pada masa itu telah terbukti hari ini iaitu di antara dua jiwa yang besar itu satu sama lain tidak dapat berjauh-jauhan. Di dalam Republik Indonesia Syarikat Sukarno menjadi Presiden dan Dr Hatta menjadi Perdana Menterinya.

Dr Hatta dilahirkan di Bukit Tinggi pada 19 Ogos 1902 setelah tamat di sekolah permulaan Belanda dan kemudian sekolah Melayu maka pada tahun 1919 ia masuk ke kolej dan tamat pelajaran di situ pada tahun 1921. Pada tahun 1922 ia pergi ke Holland meneruskan pelajarannya di sekolah tinggi di Rotterdam di dalam bahagian Iqtisad (ekonomi) dan sepuluh tahun kemudian (1932) ia telah mendapat title Doktor di dalam ilmu perniagaan.

Di dalam masa ia sekolah pada tahun 1918-20 ia telah mulai masuk ke dalam pergerakkan di dalam mana ia menjadi bendahari dan penulis bagi pertubuhan pemuda-pemuda Sumatera cabang Padang (Young Sumatranian Bond). Di Holland pada tahun 1920-21 ia telah menjadi Bendahari Besar bagi pertubuhan itu di Jakarta. Apabila ia sampai di Holland pada tahun 1922-25 ia telah menjadi Bendahari Perhimpunan Indonesia di sana serta telah duduk dalam sidang pengarang majalah perhimpunan yang tersebut yang bernama "Indonesia Merdeka" 1925-30 Hatta dipilih menjadi ketua perhimpunan Indonesia itu. 1927-31 ia menjadi anggota pemimpin bagi lembaga yang melawan penaklukan dan

Penjajahan di Berlin (Germany)

Dalam tahun 1926 Hatta telah hadir dalam Kongres Demokratik Internasional di Paris. Bulan Februari 1927 ia telah mengunjungi Kongres Liga di Brussels (Belgium) sebagai utusan perhimpunan International Indonesia di Holland. Pada bulan Ogos 1927 ia telah mengunjungi Kongres Internasional Wanita yang diadakan di Switzerland pada 27 September 1927 kerana gerakan-gerakannya Hatta telah ditangkap dan dipenjarakan di Hauge tetapi 22 Mac 1928 ia telah dibebaskan semula. Pada tahun 1932 ia balik ke Indonesia dan kemudian menjadi Ketua Pendidikan Nasional Indonesia dari tahun 1933-34 pada masa itu perdiriannya tidak sama dengan pendirian Presiden Sukarno. Dalam tahun 1934 ia dipenjarakan di penjara Cipinang di Jakarta oleh Belanda setahun lamanya dan pada tahun 1935 ia diasingkan ke Digoel bersama-sama dengan Syahrir. Pada tahun 1936 ia telah dipindahkan ke Banda dan pada bulan Februari 1942 dalam masa perang ia telah di bawa ke Sukabumi dan apabila Belanda telah kalah berperang dengan Jepun pada 19 Mac 1942 maka Hatta telah dibebaskan pada 17 Ogos 1945 bersama-sama dengan Bung Karno ia telah menzahirkan kemerdekaan Indonesia. Hatta pada masa itu menjadi wakil Presiden

Sesudah menjadi Perdana Menteri Amir Sharifuddin meletakkan jawatannya dalam tahun 1948 dengan sokongan Masyumi dan Partai Nasional Indonesia maka Hatta dipersetujukan sebagai pembantu kabinet baharu yang dengannya berdiri pada 31 Januari 1948. Pada 19 Disember 1948 itu Hatta bersama-sama Sukarno, Syahrir dan lain-lainnya ditangkap oleh tentera Belanda yang melakukan serangan yang mengejut ke ibu kota Republik di Jogja. Pada 27 Disember Hatta diasingkan di Pulau Bangka. Pada 6 Julai 1949 ia telah balik semula ke Jogjakarta bersama-sama dengan Sukarno dan lain-lainnya dan pada

27 Disember 1949 Dr Mohammad Hatta telah dilantik menjadi Perdana Menteri Republik Indonesia Syarikat dan telah pergi ke Holland bagi mendatangani penyerahan kedaulatan Indonesia itu ke dalam tangan Republik Indonesia Syarikat yang menjadi kemegahan kepada bangsa Indonesia.

Sultan Hamengkubuwono IX



Sultan Hamengkubuwono Menteri Pertahanan dalam Jemaah Menteri Republik Indonesia Syarikat itu diperanakkan pada tahun 1912. Ia seorang darah raja yang terkenal suka berdamping kepada rakyat jelata yang menjadikan ia seorang yang

mendapat sepenuh-penuh perhatian rakyat terutamanya dalam masa pendudukan Jepun di Indonesia iaitu dengan keteguhan hatinya menghadapi Jepun telah menjadi suatu teladan kepada umat Indonesia. Apabila kemerdekaan Indonesia diisytiharkan pada tahun 1945 itu maka ia telah menyatukan dirinya ke dalam negara yang muda yang dengannya di dalam Jemaah Menteri Syahrir dan dalam Jemaah Menteri Sharifudin ia telah menjadi Menteri Negara (Menteri Dalam). Selama Jogjakarta dan daerah republik lainnya diduduki oleh Belanda maka segala langkah dan sikapnya adalah menakjubkan bukannya sahaja di dalam negeri tetapi juga di luar negeri.

Apabila Republik Indonesia balik semula ke Jogja maka ia telah menjadi Menteri Pertahanan dalam Jemaah Menteri Hatta dan juga menjadi Wakil Perdana Menteri bagi pulau Jawa. Dengan berdirinya Panitia Persiapan Nasional yang didirikan di Jakarta bagi menyiapkan sesuatu

yang berkaitan dengan penyerahan kedaulatan pada 27 Disember yang lalu maka zahirlah bahawa bagaimana kedudukan Hamengku Buwono sebagai pengelola kepada keamanan seluruh Indonesia. Dalam jawatannya ini ia telah mengadakan perjalanan sekeliling Indonesia dengan secara kilat.

Ia sesudah tamat belajar di sekolah Belanda lalu meneruskan pelajarannya ke sekolah menegah kemudian pergi ke Holland masuk ke dalam sekolah HBS (Sekolah Jawatan Pentadbiran). Setelah tamat dalam sekolah ini ia menuntut ilmu undang-undang dalam Universiti di London hingga tahun 1939 tetapi sebelum dapat menamatkan pelajarannya di sini ia telah dipanggil oleh ayahanda balik oleh kerana ayahandanya itu gering kemudian mangkat. Dengan kemangkatan ayahandanya itu maka pada tahun 1940 ia telah ditabalkan menjadi Sultan Jogjakarta.

Ida Anak Agung Gede Agung

Anak Agung Gede Agung ini dizahirkan pada 24 Julai 1919 di Gianjar (Bali) sebagai anak yang kedua kepada pemerintah (Raja) di Gianjar. Setelah tamat sekolah Belanda di Bali ia meneruskan pelajarannya di sekolah menegah di Maling dan kemudian meneruskan pelajarannya di sekolah tinggi di Jakarta. Ia tak dapat menamatkan pelajarannya disebabkan berbangkit perang Jepun dahulu. Dalam masa pendudukan Jepun ia balik ke Bali dan pada tahun 1943 ia telah menjadi Raja Gianjar. Sesudah pemerintahan Jepun tamat di Indonesia maka Anak Agung mengambil bahagian yang utama dalam "Cita-cita Malino" (Persatuan



pemerintahan yang disusun oleh Pan Mok). Dalam Jemaah Menteri Negara Indonesia yang pertama di bawah Daeng Malewa Anak Agung telah menjadi Menteri Dalam Negeri dan dalam Jemaah Menteri yang Kedua. Najimudin ia menjadi wakil Perdana Menteri. Dalam Ogos 1947 ia telah pergi ke New York sebagai anggota rombongan perwakilan negara Indonesia Timur bagi menyuarakan suara mereka dalam Dewan Keamanan tentang langkahan tentera Belanda yang pertama. Pemergian rombongan ini adalah tidak jaya. Ia mengambil bahagian juga dalam pertubuhan kerajaan Federal dalam tahun 1947 bersama-sama dengan Dr Suparmo ia menjadi wakil ketua Federal. Dalam Jemaah Menteri Republik Indonesia Syarikat Anak Agung menjadi Menteri Dalam.

Mr Syafarudin Prawiranegara

Ia Menteri Kewangan dalam Jemaah Menteri Republik Indonesia. Pada 28 Februari 1911 ia telah dizahirkan di Anyar Kidol (Bentan). Kemudian setelah tamat sekolah rendah ia meneruskan pelajarannya ke sekolah MULO, AMS (1931) dan kemudian meneruskan lagi pelajarannya ke sekolah tinggi di Jakarta di dalaman pada 1940 ia mendapat gelaran *Messter of Aret* (lulusan peperiksaan undang-undang) kemudian menjadi Ketua Jabatan Cukai di Kediri selama pendudukan Jepun. Pada bulan Mac 1946 ia telah menjadi wakil



(Sambungan daripada muka 22)

Menteri kewangan di dalam Jemaah Menteri yang kedua Sutan Syahrir dan dalam Jemaah Menteri yang ketiga Syahrir dalam tahun 1946-47 ia telah menjadi Menteri Kewangan. Di dalam Jemaah Menteri Hatta dalam tahun 1946 ia menjadi Menteri Kemakmuran. Dalam langkahan Belanda yang kedua ia ada di Sumatera menjadi Yang Di-Pertua Pemerintah Darurat Republik Indonesia setelah menyerahkan kekuasaan kepada Jemaah Menteri Hatta maka ia diangkat menjadi wakil Perdana Menteri berkedudukan di Kota Raja (Acheh Sumatera). Ia salah seorang anggota Dewan Parti Masyumi.

Engineer Djuanda

Engineer Djuanda
Menteri Kemakmuran
bagi Republik
Indonesia Syarikat.
Dizahirkan
Di Tasik Malaya pada
10 Julai 1911.



Setelah tamat sekolah rendah ia masuk sekolah HBS dan pada tahun 1920 masuk pula ke Sekolah Pertukangan Tinggi di Bandung (Sekolah Engineer). Pada tahun 1933 ia beroleh gelaran Civil Engineer.

1933-1937 ia menjadi Direktor Sekolah Menengah

Muhammadiyah di Jakarta. Sesudah perang ia menjadi wakil Menteri Perhubungan dalam Jemaah Menteri Syahrir (1945-1946).

Dalam Jemaah Menteri Syahrir yang kedua ia menjadi menteri perhubungan dan pekerjaan umum. Dalam Jemaah Menteri Hatta ia menjadi Menteri Negara. Dalam rombongan perutusan Republik ke persidangan di Holland ia menjadi pemimpin

Republik dalam hal wang dan iktasad sehingga akhirnya

berjaya rundingan itu yang menjadikan berdiri Republik Indonesia Syarikat.

Dr Soepomo

Dr Soepomo
Hunggupati
Citra Waupoyo
Menteri Negara
Republik Indonesia
Syarikat dizahirkan
di Solo pada Julai
1906. Tahun



1932 ia tamat dalam sekolah Nias di Surabaya dan lulus dalam ilmu perubatan lalu bekerja selama setahun di rumah sakit di Solo. Dan kemudian bekerja tiga tahun lamanya di Mangkunegaran. Kemudian sehingga pada tahun 1942 ia bekerja pada bahagian menghapuskan penyakit kusta di Semarang dan di Blora. Tahun 1942 menjadi doktor daerah di Pemakasan (Madura). Sesudah perang menjadi wakil Presiden Republik di Madura. Setelah Madura dijadikan negara bahagian mengikut rancangan van Mook maka ia menjadi wakil daerah itu di Federal dan pada bulan Mei 1918 ia menjadi wakil ketua dua bagi Federal. Pada bulan Ogos 1949 ia menjadi Direktor Jabatan Kesihatan Madura.

Engineer H Laoh

Engineer Herling Laoh Menteri Perhubungan Tenaga dan Pekerjaan umum diperanakkkan pada 23 Ogos 1902 Tompaso Menado. Setelah tamat sekolah Belanda lalu masuk ke dalam HBS dalam tahun 1928 mendapat gelaran Engineer di sekolah tinggi di Bandung. Dalam tahun 1927-1928 ia menjadi penolong kepada Professor di Bos dalam engineer

kemudian ia
dipindahkan
di Mujukarto
menjawat jawatan
engineer dalam
perkara tali air.
1942 ia menjadi engineer Darjah
Pertama dalam Jabatan
Tali Air dan



kemudian dipindahkan di Palembang. Dalam masa pendudukan Jepun ia ada di Tasik Malaya dalam Jabatan Tali Air juga.

Setelah tamat perang ia menjadi Wakil Menteri Pekerjaan Umum dalam ketiga-tiga Jemaah Menteri Syahrir

Dalam Jemaah Menteri Amir Syarifuddin ia memegang jawatan itu juga tetapi dalam bulan Julai 1947 ia menjadi menteri. Dalam Jemaah Menteri Hatta ia berketanggungan dalam pekerjaan umum dan perhubungan. Dalam tahun 1945 ia menjadi anggota PNI. Juga sebagai anggota rombongan Republik ia telah menghadiri persidangan ekonomi di Havana. Dalam masa langkahan Belanda yang kedua ia mula-mula dipenjara tetapi dibebaskan.

Setelah tamat sekolah Belanda dan MULO ia masuk ke sekolah undang-undang kemudian ia pergi ke Holland masuk Universiti Leiden dalam bahagian undang-undang. Tahun 1927 ia mendapat gelaran doktor dalam ilmu itu. Apabila balik ke Indonesia dalam tahun 1927 ia bekerja di mahkamah Jogkja. Tahun 1930 pindah ke Mahkamah Tinggi di Jakarta bagi menyelidiki hukum adat Jawa Barat. 1933 ia menjadi hakim dalam Mahkamah Perworejo dan 1938 menjadi pegawai tinggi dengan Mahkamah Tinggi dengan menjawat pula jawatan yang luar biasa sebagai mahaguru dalam hukum adat pada Sekolah Tinggi Undang-undang di Jakarta yang kemudian pada tahun 1941 menjadi guru besar biasa dalam sekolah tinggi itu. Di dalam Jemaah Menteri yang pertama Republik ia menjadi Menteri Kehakiman hingga bulan November dalam masa Jemaah Menteri itu bertukar. Mac 1947 ia menjadi guru besar pada Universiti Gadjah Mada. Ia kerap kali mengadakan perundingan-perundingan dengan Belanda. Dalam perwakilan Republik ke persidangan meja bulat di Holland ia mengambil bahagian yang utama dalam bahagian hal ehwal negeri dan hukum-hukumnya. Ia mengambil bahagian juga dalam merancangkan undang-undang dasar sementara Republik Indonesia Syarikat.

[Oleh kerana ini tidak mencukupi tempat dalam keluaran ini maka riwayat hidup Menteri-menteri Pendidikan, Pelajaran dan Kebudayaan, Kesihatan, Buruh, Sosial, Agama, dan Penerangan insya-Allah kita akan siarkan dalam bilangan Qalam yang ketiga yang akan terbit pada sambutan Hari Raya Aidil Adha.]



Profesor
Mr Dr Soepomo
Profesor Soepomo
Menteri Kehakiman
zahir pada 23 Januari
1903 di Sukaharjo
(Solo). Ia
Anggota PNI.

YAHYA BASHIR

31 Pekan Rabu Alor Setar, Kedah
Wakil penjual kitab-kitab Arab dan Melayu, buku-buku sekolah Arab dan madrasah, buku-buku pengetahuan dan cerita keluaran lama dan baru, majalah-majalah dan ubat-ubat serta lain-lainnya.